

廿二史考異

晉書四

廿二史攷異廿一

錢大昕學

后妃傳

惠羊皇后 賈后既廢孫秀議立后后外舅孫旂與秀合族又諸子自結于秀故以太安元年立爲皇后按帝紀永康元年十一月立皇后羊氏正當倫秀專政之日其明年孫秀伏誅又明年始改元太安則此傳云太安者誤矣五行志亦稱永康元年

成恭杜皇后

諱陵陽

按宋書州郡志杜皇后諱陵

此衍一陽字也咸康四年以后諱改宣城之陵陽縣

爲廣陽可證后名無陽字

太尉王夷甫外孫 按成帝諱衍故史家於王夷甫字而不名此舊史本文唐史臣亦因而不改爾

章太妃周氏 哀帝卽位詔有司議貴人位號太尉桓
溫議宜稱夫人尙書僕射江彪議應曰太夫人 按
禮志桓溫議宜稱太夫人江彪謂可言皇太夫人與
傳不同當從志

哀靖王皇后 興寧二年崩 本紀在三年

廢帝孝庾皇后 太和六年崩 本紀在元年

孝武文李太后 左僕射何澄等議應同于爲祖母後

齊衰三年 禮志作齊衰期米書徐廣傳亦稱齊衰

三年

安德陳太后 太元十五年薨贈夫人追崇曰皇太后

按帝紀追尊在安帝隆安三年此有脫文

王祥傳

漢末遭亂扶母攜弟皆避地廬江隱居三十餘年 按

祥以泰始五年薨年八十五上溯漢建安九年祥始

二十歲卽使避地更在其前距爲徐州別駕之日祇

二十餘年耳此三十當爲二十之誤也

徐州刺史呂虔檄爲別駕祥年垂耳願固辭不受覽勅

攷異

晉書四

二

之 按魏志呂虔爲徐州刺史在文帝時計文帝黃初元年祥纔三十有六耳卽被徵在黃初之末亦止四十餘何得云耳順也王隱晉書云祥始出仕年過五十蓋據舉秀才除溫令而言非指爲別駕之日也虔委以州事于時寇盜充斥祥率厲兵士頻討破之

按魏志呂虔請祥爲別駕民事一以委之討利城叛賊斬獲有功此傳云寇盜充斥卽謂利城叛賊也劉知幾以爲漢建安中徐州未靖時事蓋未攷魏志耳
泰始五年蒙 紀在四年四月

王覽傳

以實爲宗正卿 按漢以太常光祿勳衛尉宗正廷尉
太僕大鴻臚大司農少府爲九卿而官名無卿字魏
晉宋齊並因漢制梁武帝增置十二卿始於官名下
繫以卿字今晉史諸傳閒有稱某卿者如王覽傳以
覽爲宗正卿何遵傳遷太僕卿衛瓘傳轉廷尉卿司
馬允之傳追贈太常卿山濤傳除太常卿何攀傳廷
尉卿諸葛沖摯虞傳父模魏太僕卿虞爲衛尉卿太
常卿周浚傳父斐少府卿卞敦傳父俊歷位廷尉卿
謝安傳父哀太常卿孫綽傳轉廷尉卿皆唐初史臣
不諳官制率意增加非當時本稱

子裁撫軍長史 王導傳父裁鎮軍司馬

何曾傳

文帝爲晉王曾與高柔鄭冲俱爲三公將入見曾獨致拜盡敬二人猶揖而已 按高柔卒於景元四年司馬昭未爲晉王至咸熙元年封王其時三公則太尉王祥司空荀顛也傳誤

賈充與庾純因酒相競曾議黨充而抑純以此爲正直所非 今以庾純傳攷之曾與荀顛齊王攸議云純不求供養於禮律未有違惟譏其荒酒肆忿之矢石也則詆其榮官忘親不忠不孝矣史於苞傳無貶詞

而獨責會一人抑何自相刺謬也

石苞傳

泰始八年歲 紀在九年二月

石崇傳

初崇家稻米飯在地經宿皆化爲蝶時人以爲族滅之
應 按衛瓘傳初瓘家人炊飯墮地盡化爲蝶歲餘
及禍二事正相類又裴楷傳初楷家炊黍在甑或變
爲穿或作血或作蕪菁子其年而卒事亦相近也

羊祜傳

詔以秦山之南武陽牟南城梁父平陽五縣爲南城郡

按南城置郡以封羊祜祜固辭不拜郡亦旋廢故
地理志不載此郡

故太尉廣陵公進黨翼賊倫禍加淮南 按羊祜衛瑾
皆稱姓而陳準不書姓脫文也攷惠帝紀淮南王允
被害之後陳準始除太尉錄尚書事其黨子趙王倫
可知又淮南王允傳允率兵圍相府太子左率陳儼
勒東宮兵鼓譟於內以應允儼兄淮時爲中書令遣
麾騎虞楡以解圍所云淮者卽準字之謄是淮南之
敗準實爲之矣

陳騫傳

元康二年薨 按本紀書以太康二年十一月薨元康
惠帝年號書不及事惠帝也

衛恒傳

魏初有鍾胡二家爲行書法 謂鍾繇胡昭也

河間王洪傳

混小子滔初嗣新蔡王確亦與其兄俱沒後得南還與
新蔡太妃不協太興二年上疏以兄弟並沒在遼東
章武國絕宜還所生

混封章武王

太妃訟之事下太常云

云 詔還章武 按元帝紀建武元年十一月封汝

南王子弼爲新蔡王太興元年十一月新蔡王弼薨

弼之嗣新蔡在滔還襲章武之後弼既薨于太興元年則滔上疏請還本生事斷不在太興二年矣

位至游擊大將軍 按職官志有游擊將軍無大字

太原王輔傳

魏末爲野王太守 按地理志魏所置郡無野王之名

下邳王晃傳

咸寧六年薨 咸寧武帝年號也晃事惠帝由尙書令

遷司空紀書元康六年正月薨此云咸寧誤

高陽王珪傳

詔以太原王輔子緝襲爵 按晉宗室諸王多同名者

有高陽王緝又有中山王緝有南宮王承又有譙王承

高密王略傳

略字元簡 按高密孝王略字元簡而本紀書高密王簡沛順王景字子文而本紀書沛王子文城陽懷王景字景度而本紀書城陽王景度蓋當時諸王亦以字行者

新蔡王騰傳

封東嬴公 按惠帝紀光熙元年九月進東嬴公騰爵爲東燕王本傳失書

范陽王綏傳

咸寧五年薨 本紀在四年

范陽王虓傳

永興三年暴疾薨 惠帝紀虓薨于光熙元年十月按

是歲十月改元光熙則當書光熙爲正

任城王陵傳

泰始元年封北海王三年轉封任城王 按武帝紀咸

寧三年八月徙北海王陵爲任城王傳云泰始三年

轉封未審誰是

咸寧五年薨 本紀在太康四年四月

西河王斌傳

武帝受禪封陳王三年改封西河 按西河之封據帝紀亦在咸寧三年與任城同時此傳下有咸寧四年之文則亦以爲泰始三年矣

賈充傳

初充伐吳時常屯項城軍中忽失充所在 按晉史好采小說而此傳蕪累尤甚蓋由作史者惡充之姦故於賈后傳及此篇縷述其女淫穢之迹然左氏史公亦道中葺之言曷嘗冗俗若此乎項城軍中爲鬼所錄叩頭請命益誕妄不足信矣

劉寔傳

元康九年策拜司空 惠帝紀在永康元年

王渾傳

及誅楊駿崇重舊臣乃加渾兵渾以司徒文官主史不
持兵持兵乃吏屬絳衣自以偶因時寵權得持兵非
是舊典皆令阜服 按職官志諸公及開府從公加
兵者主簿已下令史已上皆絳服太尉雖不加兵吏
屬亦皆絳服渾以司徒加兵於法吏屬當絳衣乃辭
而不居者以一時誤恩非由功賞且政出多門恐爲
權倖所忌耳

王濟傳

與甄德妻長廣公主 按晉諸公贊云甄德字彥孫司

馬景王以女妻德早亡文王復以女繼室卽京兆長

公主也

見魏志后妃傳注

此云長廣公主封號互異

王濟傳

太子洗馬孟康 此與注漢書之孟康未審卽一人否

山濤傳

及羊祜執政時人欲危裴秀濤正色保持之由是失權

臣意

按泰始初羊祜爲尙書右僕射故云執政也

祜傳云王佑賈充裴秀前朝名望祜每讓不處其右

此傳所言似秀之危出於祐意且以權臣目祐與彼
傳殊相矛盾矣羊公盛德何至有此

王戎傳

父渾涼州刺史 同時有兩王渾一太原人一琅邪人
樂廣傳

值世道多虞朝章素亂清已中立任誠保素而已 按
趙王倫之篡位廣與滿奮崔隨進璽綬於倫可謂之
清已中立乎

崔洪傳

薦雍州刺史卻詵代已爲左丞 按卻詵傳洪薦詵爲

左丞累遷雍州刺史據此傳似先爲刺史而後爲左丞矣

李重傳

于時內官重外官輕兼階級僻多重議之見百官志

按晉書有職官志不稱百官志且亦不載李重之議又司馬彪傳泰始初武帝親祠南郊彪上疏定議語在郊祀志攷晉書不立郊祀志惟有禮志亦不載彪議也張亢傳領佐著作述歷贊一篇見律歷志今志初無其文摯虞傳表論封禪見禮志又議玉輅兩社事見輿服志今攷禮志載衛瓘等奏請封禪表列諸

臣名初不及虞若玉輅之議則輿服志亦無之惟兩社議見于禮志狀亦非輿服志也蓋自唐以後修史不出一人之手志傳之文不相檢照至於如此敬播諸臣未免失其職矣

阮籍傳

景元四年冬卒 嵇阮歿于魏世又非佐晉勦業如魏荀彧宋劉穆之之比系之晉史義例安在

劉伶傳

劉伶字伯倫 劉知幾曰舊晉史本無劉伶畢卓傳皇家新撰以補前史所闕

皇甫方回傳

王敦遣從弟廙代陶侃廙既至荊州大失物情百姓叛廙迎杜弢按陶侃傳敦留侃不遣左轉廣州刺史以王廙爲荊州侃之佐吏將士詣敦請留侃敦怒不許侃將鄭攀蘇溫馬儁等不欲南行遂西迎杜會以距廙王廙傳王敦左遷陶侃使廙代爲荊州將吏馬俊卽馬儁鄭攀等上書請留侃敦不許廙爲俊等所襲奔於江安賊杜會與俊攀北迎第五猗以距廙杜會傳王廙爲荊州刺史會距之以三傳參攷則荊州將吏距王廙迎杜會乃在廙未到州之先且所迎者杜

曾非杜強也

束皙傳

漢太子太傅疎廣之後也王莽末廣曾孫孟達避難自東海徙居沙鹿山南因去疎之足遂改姓焉 說文
疎從流從疋以疋得聲隸變疎爲疎與束縛之束本
不相涉疋古胥字古人胥疎同聲故從疋聲也疎之
改束自取聲相轉如耿之爲簡奚之爲稀耳唐人不
通六書乃有去足之說

其紀年十三篇記夏以來至周幽王爲犬戎所滅以事
接之

字上當有晉
字刊本脫

三家分仍述魏事至安釐王之二

十年 今世所傳竹書紀年起黃帝而此云夏以來
然則黃帝至唐虞事出于後人附益非汲冢之舊矣
紀年附注相傳出于沈約然梁書南史約傳備載所
撰述初不及此書隋經籍唐藝文志載紀年或云十
二卷或云十四卷俱不言約有附注則附注亦非休
文所作也

郤詵傳

郤詵字廣基濟陰單父人也 按郤从谷谷與滕同漢
隸从谷有者或變爲去故郤或作却與从希之郤音
義全別今晉書刊本郤字亦譌爲却而郤郤二姓遂

溷而無別今攷定望出河南濟陰者讀如隕卻正卻
說是也望出山陽高平者讀如緇卻處却望是也陸
魯望詩一段清光染卻耶此用卻說事當爲仄音而
黃伯思譏其誤讀又不然矣

陸雲傳

成都王穎表爲清河內史 晉時郡置太守王國則置

內史行太守事唐名稱宰相亂如陸雲稱清河內史

亦稱太守

陸氏異林

桓彝稱宣城內史

瓜帝紀及本傳

亦稱太守

桓溫蘇峻

稱歷陽內史

本傳

亦稱太守

瓜帝紀

孫默稱

琅邪太守

元帝紀

亦稱內史

石勒載記

邵存稱武邑內史亦

稱太守

鄧攸傳

周廣稱豫章內史

元帝紀

亦稱太守

華歆傳

王曠稱丹陽太守

陳敏傳

亦稱內史

顧榮傳

王承稱東海

太守

王湛傳

亦稱內史

名士傳

夏侯湛傳

乃作昆弟誥

夏侯孝若昆弟誥橫疑尙書乃王莽字

文泰大誥之流詞最淺劣不知史家何以錄之

潘岳傳

讀二十四友岳爲其首

按二十四友姓名已具賈誼

傳而石崇潘岳劉琨諸傳又及之無怪乎叢冗之譏

矣况誼傳二十四人以石崇爲首亦自相矛盾

江統傳

建武中以馬援領隴西太守討叛羌徙其餘種于關中
居馮翊河東空地 按後漢書西羌傳徙置天水隴
西扶風三郡與此異

故何廐梁觀戎車屢征 觀當作慎

由是於彌扶羅求助于漢 彌字衍於扶羅卽劉元海
之祖也

羅憲傳

師事譙周周門人稱爲子貢 事亦見文立傳

追封西鄂侯 三國志注引襄陽記云晉王拜憲凌江

將軍封萬年亭侯泰始元年改封西鄂縣侯此傳云
追封者誤也

羅尚傳

太康末爲梁州刺史 李特載記作涼州

又攻尚於成都尚退保江陽 以李特載記攷之尚無
退保江陽之事

荊州刺史宗岱 惠帝紀及李特載記竝作宋岱

乃使兵曹從事任銳僞降 李特載記作任明蜀錄作
任叡子謂當以叡爲本名晉人避元帝諱易之銳取
同音明取同義也

攷異

晉書四

七

俄而尙卒雄遂據有蜀土 惠帝紀雄自郾城攻尙尙委城而退李雄載記亦云尙留牙門羅特固守尙委城夜遁盜尙之棄成都在李雄嗣立之後可證前此未嘗退保江陽也

汝南王亮傳

西晉之政亂朝危雖由時主然而煽其風速其禍者咎在八王故序而論之 按晉史以汝南王亮楚王瑋趙王倫齊王冏長沙王乂成都王穎河間王顒東海王越八人總爲一傳不與宣文武諸子同篇蓋因晉時有八王故事一書隋志不言撰人劉孝標注世說屢引之故取其名

然於勸善懲惡之旨殊未當也。趙王倫晉之亂賊當與桓元同科。齊王冏起義討倫，雖以驕溢致敗，較諸成都河間東海之大失臣節者，不可同年語矣。史乃以趙倫齊冏並稱，何其不分。阜白乎汝南王亮爲賈后所害，本無大過，亦不當以煽風速禍責之。

牽秀傳

武邑觀津人。按武邑觀津二縣皆屬安平國，志不載分置武邑郡事。然邵續傳先稱兄子武邑內史存，後稱帝假存武邑太守，則當時固有武邑郡矣。賈謐傳稱安平牽秀，則舉其故郡而言。

劉琨傳

琨乃說冀州刺史溫羨使讓位于虓 惠帝紀范陽王
虓逐冀州刺史李義今以溫羨及琨傳證之虓所代
者實溫羨非李義也

匹磾從弟末波 段匹磾邵續傳作末杯杯波聲相近
譯音無定字也

祖納傳

平北將軍王敦聞之遺其二婢 按王敦未嘗爲平北
將軍傳誤也此事見世說德行篇但云王平北未著
其名劉孝標注以爲王父也 王衍傳父父世說稱王
爲平北將軍

袁必云王大將軍晉史好采世說豈此例尙未之知
邢

李矩傳

聰因憤恚發病而歿 是時劉聰強盛小挫未至大創
何至憤恚而歿此夸大之詞不足信

段匹磾傳

東郡鮮卑人 郡當作部

父務勿塵 北史徒河傳作務日塵古讀勿如沒與目
聲相近

以務勿塵子疾陸眷襲號 石勒載記及北史並作段

就六卷就疾聲相近故下文亦稱就陸香

魏浚傳

東郡東阿人也 地理志東阿屬濟北國

清河王遐傳

四子覃籥銓端 懷帝紀立豫章王詮爲皇太子卽銓也偏旁小異

吳王晏傳

乃貶爲賓徒縣王後徙封代王倫詒復晏本封 按

帝紀永寧元年六月復封賓徒王晏爲吳王不見徙

封代事賓徒縣屬昌黎郡

東海王沖傳

其以小晚生奕繼哀王爲東海王 按哀王沖於明帝
爲昆弟今成帝以己子繼之於哀王爲大父行故有
小晚生之稱也琅邪王煥元帝子而元帝令云晚生
矇弱是晉人呼其子爲晚生之證也海西公紀不言
繼哀王事此史文之漏

晉書五

廿二史攷異廿二

錢大昕學

王導傳

桓彝初過江見朝廷微弱謂周顛曰我以中州多故來
此欲求全活而寡弱如此將何以濟憂懼不樂往見
導極談世事還謂顛曰向見管夷吾無復憂矣按
溫嶠傳亦云江左草創綱維未舉嶠殊以爲憂及見
王導共談歡欣曰江左自有管夷吾吾復何慮此一
事而傳聞異辭也裴秀傳末云王導爲司空既拜嘆
曰裴道期劉王喬在吾不得獨登此位劉隗傳末云

王導初拜司徒謂人曰劉王喬若過江我不獨拜公也此一事而重出也丁潭傳云王導嘗謂孔敬康有公才而無公望丁世康有公望而無公才虞襲傳又云王導嘗謂襲曰孔愉有公才而無公望丁潭有公望而無公才此亦一事而重出也齊王攸傳攸薨帝哭之慟馮統侍側曰齊王名過其實而天下歸之今自薨隕社稷之福也陛下何哀之過帝收淚而止馮統傳帝聞攸殞哀慟特深統侍立因言曰齊王名過於實今得自終此乃大晉之福陛下何乃過哀帝收淚而止此亦一事而重出也

溫嶠傳

古鎮將多不領州皆以文武形勢不同故也宜選單車
刺史別撫豫章專理黎庶 按刺史不督軍者謂之
單車刺史南齊書百官志晉太康中都督知軍事刺
史治民各用人惠帝末乃并任非要州則單車爲刺史
隋書百官志其庶姓爲州若無將軍者謂之單車刺
史是也攷之晉初羊祜以車騎將軍都督荊州諸軍
事而別有荊州刺史楊肇王渾以安東將軍都督揚
州諸軍事而別有揚州刺史應綽及周浚山簡以征
南將軍都督荆湘交廣四州諸軍事而別有荊州刺

史王澄王浚以寧朔將軍都督幽州諸軍事而別有幽州刺史石堪此都督與刺史並置之證也南渡以後都督例領本州刺史其兼督它州則視權任之輕重而損益焉亦有都督而非刺史者如紀瞻以鎮東長史加揚威將軍都督京口以南至燕湖諸軍事應詹以南平太守督南平天門武陵三郡軍事李矩以滎陽太守都督河南三郡軍事桓豁以新野義成二郡太守督河中七郡軍事謝琰以會稽內史都督五郡軍事桓伊以淮南太守督豫州之十二郡揚州之江西五郡軍事是也朕事權較之刺史輕矣

劉隗傳

謹按行督運令史淳于伯刑血著柱遂逆上終極柱末
二丈三尺 郭璞傳作丞相令史蓋本丞相府之令
史以督運獲罪也

郭璞傳

身與鬼并精見二午 按遯爲乾宮二世卦六二丙午
九四壬午二爻俱變故云精見二午也世爲身午火
爲官鬼故云身與鬼并也遯之疊疊九二辛亥亥水
克午火故有被創之象

又歲涉午位金家所忌 是歲歲在壬午晉以金德王

攷異

晉書五

三

金畏火故忌午

庾冰傳

以本號除都督江荆寧益梁交廣七州豫州之四郡軍事領江州刺史 按晉自南渡以後僞立豫州諸郡於江淮之間故江州刺史常兼督豫州諸郡謝尙傳庾冰薨復以本號督豫州四郡領江州刺史哀帝紀興寧三年二月以桓沖監江州荆州之江夏隨郡豫州之汝南西陽新蔡潁川六郡軍事江州刺史桓嗣傳沖旣代豁西鎮詔以嗣督荆州之三郡豫州之四郡軍事江州刺史桓伊傳桓沖卒遷都督江州荆州

十郡豫州四郡軍事江州刺史王恭傳會稽王道子
以其司馬王愉爲江州刺史割庾楷四郡使愉督之
何無忌傳義熙二年遷都督江荆二州江夏隨義陽
綏安豫州西陽新蔡汝南潁川八郡軍事江州刺史
所云豫州四郡者西陽新蔡汝南潁川也四郡之中
惟西陽爲豫州舊郡西陽縣漢屬江夏郡隸荊州其
魏晉分置七陽郡改屬豫州其餘皆偏置也

桓彝傳

嘗過與縣縣宰東海徐寧 傳末又附徐寧事凡百二
十言與此略同若於此文竟歷顯職之下增入八字

云終左將軍江州刺史而後條則盡芟之則文省而
事亦無漏矣

桓豁傳

溫既內鎮以豁監荆揚雍州軍事領護南蠻校尉荊州
刺史以本紀攷之是時豁所監者僅揚州之義成
雍州之京兆二郡非盡督揚雍二州傳所書意在省
文而不知非其實也其後進監寧益軍事又進督交
廣并前五州軍事及其卒也紀但書都督荆梁寧益
交廣六州諸軍事不及雍揚者以所督止兩郡也
不載進督梁
州蓋史失之豁卒以其弟沖代之傳稱都督江荆梁

益寧交廣七州揚州之義成雍州之京兆司州之河
東軍事而本紀但云都督荆江梁益寧交廣七州諸
軍事不及揚雍司三州是其例也地理志孝武始於
襄陽僑立雍州仍立京兆始平扶風河南廣平義成
北河南七郡桓宣傳宣與李陽平襄陽陶侃使宣鎮
之以其淮南部曲立義成郡此義成京兆兩郡得在
荊州界內也義成本以淮南人戶立故繫之揚州

桓沖傳

遷督荊州之南陽襄陽新野義陽順陽雍州之京兆揚

州之義城

當作

七郡軍事

此所謂河中七郡也桓

詔傳督河中七郡

遷振威將軍江州刺史領鎮蠻護軍西陽譙二郡太守
頃之進監江荆豫三州之六郡軍事 以哀帝紀攷
之六郡者荊州之江夏隨豫州之汝南西陽新蔡潁
川也當云監江州及荆豫二州之六郡軍事又義乃
安

於是改授都督徐兗豫青揚五州之六郡軍事車騎將
軍徐州刺史以北中郎府并中軍鎮京口 按本紀
寧康三年五月以中軍將軍揚州刺史桓沖爲鎮北
將軍徐州刺史鎮丹徒是時未爲車騎將軍也先是

徐兖二州刺史常以北中郎將領之或加號平北安

北將軍沖名位既重故加號鎮北

四鎮在四安四平之上

以中

軍將軍兼領鎮北將軍不別置鎮北府其北中郎府官吏皆并入中軍府也今書改授車騎將軍則與并中軍之文不相應又此時徐兖豫青皆無實土州所治者揚州之晉陵耳所云六郡不知何所指也自桓溫刁彝王坦之領徐兖二州皆鎮廣陵其單稱徐州刺史自沖始移鎮京口亦自沖始而京口遂專北府之名矣嗣後王蘊代沖爲徐州刺史鎮京口謝元除兖州刺史鎮廣陵而徐兖遂分兩鎮

謝尚傳

俄而復轉西中郎將督揚州之六郡諸軍事豫州刺史
六郡謂淮南廬江歷陽安豐堂邑宣城也

永和十一年出爲都督江西淮南諸軍事前將軍豫州刺史
鎮歷陽加都督豫州揚州之五郡軍事 前云六郡
此云五郡者不數宣城也六郡惟宣城在江東此云
都督江西淮南則宣城不在所督之內矣

謝安傳

乃以桓石民爲荊州改桓伊于中流石虔爲豫州 是
時桓伊爲豫州刺史改除江州以石虔代之云中流

者汀州介荆揚之中也欣詞意未甚明白

謂所親曰昔桓溫在時吾常懼不全忽夢乘溫輿行十六里見一白鷄而止乘溫輿者代其位也十六里止今十六年矣白鷄主酉今太歲在酉吾病殆不起乎按桓溫以寧康元年癸酉薨安始代之至太元十年乙酉祇十有三年耳

謝琰傳

至義興斬賊許允之迎太守魏鄢還郡 孫恩傳作魏偽焉與鄢通本紀作魏隱隱偽聲亦相近

以琰爲會稽內史都督五郡軍事 五郡者會稽新安

攷異

晉書五

七

東陽臨海永嘉也

謝元傳

進據白馬與賊大戰破之今寶應縣西白馬湖卽晉時白馬也

進封玩豫寧伯 宋書州郡志豫章郡有豫寧縣晉武帝太康元年更名而晉志不載據此則晉時固有豫寧矣

桓宣傳

東府赫朕受遣猛將 此在元帝未卽位以前帝以鎮東大將軍領揚州刺史故稱東府也其後以京都所

在刺史不加征東鎮東之號而東府之名猶存故揚州治所稱東府城也

毛穆之傳

桓沖使穆之督梁州之三郡軍事右將軍西蠻校尉益州刺史領建平太守假節戍巴郡 梁州三郡謂巴西梓潼宕渠也見殷仲堪傳

陳壽傳

出補陽平令 按泰始十年壽上表稱平陽侯相此云陽平令恐誤壽爲張華所知武帝之世華未爲司空傳云司空張華亦誤也

孫盛傳

祖楚馮翊太守 楚自有傳以例言之當云馮翊太守
楚之孫而刊去太原中都人一句

父洵潁川太守 孫楚傳作洵據此傳洵爲潁川太守
在郡遇賊被害而楚傳云洵未化而早終二文自相
矛盾攷之晉陽秋則潁川太守爲是而名當爲洵也
著晉陽秋寫兩定本寄于慕容儁 按盛以書枋頭事
忤桓溫諸子私改之故與定本多不同枋頭之役在
慕容暉時儁已先歿久矣

王雅傳

東海剡人魏衛將軍肅之曾孫也祖隆後將軍 剡當
作鄭攷三國志注隆爲肅子虔之子則雅實肅之元
孫

王恭傳

以恭爲都督兗青冀幽并徐州晉陵諸軍事平北將軍
兗青二州刺史假節鎮京口 按晉南渡已後徐兗
二州刺史或鎮京口或鎮廣陵或鎮下邳率以一人
領之太元二年以王蘊爲徐州刺史鎮京口謝元爲
兗州刺史鎮廣陵始分爲二未幾謝兼領徐州仍合
爲一朱序代謝元以青兗二州刺史鎮淮陰不帶徐

州者以會稽王道子領徐州刺史故也序旣移鎮以譙王恬爲青兗二州刺史鎮京口而兗州之名移於江南恬卒乃以王恭代之安帝卽位道子解徐州其刺史當卽恭兼領恭敗以劉牢之代爲都督別除謝琰徐州刺史琰歿司馬元顯領徐州元顯爲桓元所害乃以桓脩爲徐兗二州刺史鎮京口桓宏爲青州刺史鎮廣陵自是徐青二州隔江分治義熙初劉裕領徐嘗以青州刺史諸葛長民鎮丹徒宋旣受禪遂以京口爲南徐州治廣陵爲南兗州治而二州始有實土矣王恭出鎮之日晉陵尙屬揚州當云揚州之

晉陵史有脫文爾

初都督以北爲號者累有不祥故桓沖王坦之刁彝之徒不受鎮北之號按徐兗二州都督例以北爲號故有北府之稱如褚裒號征北大將軍荀羨郗曇號北中郎將皆卒于鎮范汪號安北將軍以罪免庾希號北中郎將以罪誅郗愔號平北將軍亦以病去官此皆在桓沖諸人之前者也孝武寧康元年九月刁彝以北中郎將鎮廣陵次年正月卒其二月王坦之以北中郎將鎮廣陵次年五月卒其月除中軍將軍桓沖爲鎮北將軍徐州刺史鎮丹徒沖以刁王二人

皆以北爲號相繼殞乃辭鎮北之號仍前中軍將軍故沖傳云以北中郎府并中軍也刁彝王坦之皆爲北中郎將未嘗加鎮北之號不受鎮北者獨桓沖一人論歷官之年月則刁最在先王次之桓又次之此傳真到錯誤以帝紀及三人傳參攷之黑白了然矣

庾楷傳

楷上疏以江州非險塞之地而西府北帶寇戎不應使倫分督是時楷以西中郎將領豫州刺史鎮歷陽攷南渡以後豫州或治歷陽或治壽春或治姑孰而

都督例以西爲號桓温傳詔以西府經袁真事故軍用不足給世子熙布三萬匹米六萬斛此稱壽春爲西府也此傳云西府北帶寇戎此稱歷陽爲西府也劉毅傳西府二局文武盈萬此稱姑孰爲西府也南史謝朓傳爲齊隨王子隆鎮西功曹轉文學因事求還道中爲詩寄西府子隆時鎮荊州則荊州亦有西府之稱矣西府北府原無定所但以當時軍府之號爲目耳

劉敬宣傳

軍次黃馱

宋書次遂寧郡之黃虎去成都五百里此

一作黃獸避唐諱也南史作黃武

劉毅傳

詔以毅爲都督豫州揚州之淮南歷陽廬江安豐五郡
諸軍事豫州刺史 文稱五郡而實四郡蓋脫堂邑
一郡

俄進拜衛將軍開府儀同三司 按宋書武帝紀撫軍
將軍劉毅抗表南征公與毅書止之似無進拜衛將
軍之事或進拜而辭不受也

俄進毅爲都督荆寧秦雍四州之河東河南廣平揚州

之義城

當作

四郡諸軍事衛將軍荊州刺史 按桓

沖傳稱司州之河東宋書劉道規傳稱司州之河南
則此四州下當脫司州二字

何無忌傳

義熙二年遷都督江荆二州江夏隨義陽綏安豫州西

陽新蔡汝南潁川八郡軍事江州刺史增督司州之

巨農揚州之松滋 按江夏四郡皆屬荊州當云都

督江州荊州之江夏 云云 豫州之西陽 云云 恐後人

妄改之也地理志云舊江州督荊州之竟陵郡及何

無忌爲刺史表以竟陵去州遼遠去江陵三百里荆

州所立綏安郡人戶入境欲資此郡助江濱戍防以

竟陵郡還荊州又司州之恒農揚州之松滋二郡寄
在尋陽人戶雜居竝宜建督安帝從之與此傳正合
張茂傳

太寧三年卒 按本紀失書茂之卒通鑑太寧二年五
月甲申茂薨蓋據十六國春秋之文當得其實

張駿傳

太寧元年駿猶稱建興十二年 按愍帝建興元年步
在癸酉至明帝太寧元年癸未止十有一年不當稱
十二年且茂傳云以太寧三年卒則太寧元年駿尙
未嗣位其踏駿顯狀今據通鑑茂實以太寧二年薨

而駿嗣其位仍用建興之號則與十二年之數恰合矣此元年亦是二年之譌

又分州西界三郡置沙州東界六郡置河州 按地理

志張茂以校尉玉門大護軍三郡三營爲沙州張駿分興晉金城武始南安永晉大夏武成漢中北八爲

河州與此互異

張重華傳

以書誘宛戍都尉宋距 距當作矩忠義傳矩字處規進封福祿縣伯 前已云封福祿伯此不當云進封恐重出耳

攷異

晉書五

三

時年二十七在位十一年 按穆帝紀永和二年五月涼州牧張駿卒子重華嗣九年十月重華卒子耀靈嗣是重華在位僅八年耳傳云父卒時年十六今攷重華嗣位不及十一年則所載年歲亦不足信

李嵩傳

元盛以安帝隆安四年立

是歲庚子

至宋少帝景平元年滅

是歲癸亥

據河石凡二十四年

按北史武昭王以魏道

武天興二年立

當云三年此刑木之訛

後主以明元太常五年

而亡據河石凡二世二十一年較之晉史相差三歲

攷元盛以晉義熙十三年薨

卽魏太常二年

見安帝紀又三

年而宋受禪是歲西涼亡本傳乃云土業立年而宋受禪此所以誤多三年也

孝友傳

顏含 琅邪莘人也 地理志琅邪無莘縣含曾孫延之南史稱琅邪臨沂人

良吏傳

潘京 太守趙廣嘗問曰貴郡何以名武陵京曰鄙郡本名義陵在辰陽縣界與夷相接數爲所攻光武時移東出送疑是遂字得全完其議易號傳曰止戈爲武詩稱高平曰陵於是名焉 按京所荅者委巷相傳之

言劉昭注續漢志已疑其無所據矣予攷漢志武陵郡本有義陵縣而後漢無之蓋光武時所并省其故城想在辰陽縣界因譌爲此說耳或前漢武陵郡本治義陵光武中興乃徙治臨沅故以是實其言乎

儒林傳

劉兆 濟南東平人 東平下當脫陵字濟南在青州部內故傳云兆儒德道素青州無稱其字者非兗州之東平也予向疑地理志濟南郡下有脫簡今檢解系傳及此傳則濟南有著縣有東平陵縣本書已有明證矣

有五子卓焯燿育臍 兆諸子既無表見何必更列其名史家徵人諧牒而不加刊削往往有此失

徐邈 東莞姑幕人 按地理志姑幕屬城陽郡蓋南渡後省城陽入東莞也邈與廣兄弟各有傳則篇首敘所居郡縣當刪去其一又邈字仙民傳當書而失書

文苑傳

李充 父矩江州刺史 此又一李矩非平陽之李矩也

伏滔 平昌安邱人也 按地理志安邱屬東莞郡又

云惠帝元康十年置平昌郡亦不言所領何縣以宋志攷之則安邱平昌東武琅邪朱虛五縣皆隸平昌也又攷三國志孫禮歷平昌太守則魏時亦嘗置平昌郡

隱逸傳

孟陋 武昌人也 孟陋與孟嘉兄弟也 一稱江夏鄙人一稱武昌人

藝術傳

戴洋 王導遇病召洋問之洋曰君侯本命在申 按王導傳咸和五年薨時年六十四計其生年則武帝

泰始三年丁亥歲也與本命在申之說不合

元帝將登阼使洋擇日洋以爲宜用三月二十四日景
午太史令陳卓奏用二十二日言昔越王用甲辰三
月反國今與此同洋曰云云乃從之 今按元帝紀
建武元年三月辛卯卽晉王位大赦改元以術推之
是月癸未朔辛卯乃月九日也其二十四日丙午却
非卽位之日又太興元年三月景辰百寮上尊號是
日卽皇帝位以術推之是月丁未朔丙辰則月十日
也三月無丙午日丙午乃二月二十九日與洋所言
無一合者

辛德在南方酉受自刑 辛與丙合丙祿在巳巳爲南方

太寧三年正月有大流星東南行洋曰至秋府當移壽陽及王敦作逆約問其勝敗 按王敦作逆及祖約退守壽陽俱太寧二年事

佛圖澄 又令一童子繫齋七日取麻油合麝脂躬自研於掌中舉手示童子繫肤有輝童子驚曰有軍馬甚衆見一人長大白皙以朱絲縛其肘澄曰此卽驪也 今俗傳圓光之術蓋出於此

列女傳

在諸僞國暫阻王猷天下之善足以懲勸亦同投次附
於卷末 謂劉聰妻以下諸人也然僞諸國非晉
聲教所及其夫既殊而異之其妻妾又引而近之於
義未安竊謂劉聰妻劉氏靳康女苻堅妾張氏苻
妻毛氏慕容垂妻張氏段豐妻慕容氏呂纂妻楊氏
呂紹妻張氏事關家國皆常見于載記張天錫妾聞
氏薛氏李元盛后尹氏亦當附書本傳惟蘇若蘭
婦人王廣女三人無可附麗不妨存之卷末

桓温傳

雄又與將軍桓冲戰白鹿原又爲冲所破 按穆帝紀

苻雄悉衆及桓溫戰于白鹿原王師敗績此云爲桓
沖所破非其實也

溫自江陵北伐行經金城見少爲琅邪時所種柳皆已
十圍 溫少時嘗爲琅邪太守宋書州郡志晉亂琅
邪國人隨元帝過江千餘戶太興三年立懷德縣成
帝咸康元年桓溫領郡鎮江乘之蒲洲上求剗丹陽
之江乘縣境立郡則溫所治之琅邪在江南之江乘
金城亦在江乘今上元縣北境也溫自江陵北伐何
容取道江南邪推其致誤乃因庾信枯樹賦有昔年
移柳依依漢南之語遂疑金城爲漢南地耳不知賦

家寓言多非其實卽以此賦言之殷仲文爲東陽太守在桓元事敗之後而篇末乃言桓大司馬聞而歎曰豈非子虛亡是之謾乎此事出世說言語篇但云北征本無江陵字

孟嘉 嘉不預溫逆謀非沈充於王敦可比何故附溫傳之末當改入文苑

慕容廆載記

宇文悉獨官 北史作遜昵延

八年廆卒 史於僭偽之主皆書歿惟慕容廆姚弋仲二人書卒以其爲晉臣也

慕容儁載記

拜儁爲使持節侍中大都督都督河北諸軍事幽冀并
平四州牧 穆帝紀但云幽平二州牧

苻登載記

堅之族孫也 此稱族孫而後文屢稱曾孫不可解
興將歿告同成曰與卿累年共擊逆羌事終不克何恨
之深可以後事付卿小弟司馬 按苻丕載記稱毛
興爲諸羌所殺何緣臨終付登後事一卷之中自相
抵牾如此

姚萇載記

自謂以火德承苻氏木行 按魏承漢爲土德晉承魏
爲金德苻氏稱木行者蓋以前後趙爲一代當水德
也

姚興載記

先是苻登使弟廣守雍子崇屯胡空堡聞登敗各棄守
走登無所投據遂奔平涼 此事已見苻登載記常
云苻登奔平涼

遂割南鄉順陽新野舞陰等十二郡歸于晉 按晉宋
二志俱不言有舞陰郡當是姚興所立此四郡爲實
土餘皆僞郡也

呂光載記

乾歸弟軻彈來奔 乞伏乾歸載記作軻彈

呂纂載記

道士句摩羅耆婆耆婆卽羅什之別名也 句鳩聲相

近然下文又稱鳩摩羅什一篇之中名氏互異亦一

病也六朝稱僧爲道人此道士當爲道人之譌鳩摩羅什

傳亦云道士之探

乞伏國仁載記

置武城武陽安固武始漢陽天水略陽涇川甘松匡朋

白馬苑川十二郡 按天水略陽晉舊卽武始則張

駿所置漢陽卽天水郡國仁析而二之苑川在天水
勇士縣

乞伏乾歸載記

兵猶火也不戢將自焚 按乞伏父子生長西徼不習
華書而史紀國仁言先人有奪人之心乾歸言兵猶
火也不戢將自焚又言孤違寒叔以至于此詞人文
飾失其本真大率如此

項羽斬慶子以寧楚 慶子者卿子冠軍也史記徐廣
注卿一作慶古書慶與卿通

建安元年 建安當作隆安

馮跋載記

蠕蠕勇斛律

蠕蠕卽柔然也魏書作蠕蠕宋齊梁書

皆作芮芮周書作茹茹北史有蠕蠕傳而諸傳間有
作茹茹者蓋譯音無定字

蠕蠕斛律爲其弟大但所逐

魏書北史俱作大檀

今大魏威制六合

按燕與魏爲敵國其臣子必多指

斥之詞而北燕太史令張穆言大魏威制六合南燕

尙書潘聰言滑臺北通大魏西接強秦中書侍郎韓

範言可以西并強秦北抗大魏此皆魏史臣所改張穆

事見魏收書潘聰韓範之語當唐人修晉史不當沿
出崔鴻十六國春秋皆魏臣也

襲其文

禿髮烏孤載記

初壽闕之在孕母胡掖氏因寢產于被中鮮卑謂被爲禿髮因而氏焉 按禿髮之先與元魏同出禿髮卽拓跋之轉無二義也古讀輕屑音如重屑故赫連佛佛卽勃勃髮从友得聲與跋音正相近魏伯起書尊魏而抑涼故別而二之晉史亦承其說